

Statuts dals Museums Grischuns (MGR)

Art. 1 Num, sedia

„Museums Grischuns“ (MGR) è in'uniun da promoziun en il senn d'art. 60ss. dal Cudesch civil svizzer cun sedia en il lieu dal secretariat.

L'uniun MGR è politicamain e confessiunalmain neutrala.

Art. 2 Intent, finamiras

L'uniun MGR è l'organisaziun da tetg dals museums dal Grischun. Ella promova e sustegna t.a. las suandantas finamiras:

- a) cusseglar a moda professiunala ils museums dal chantun Grischun en tut ils champs d'incumbensas museals (rimnar, conservar, documentar, intermediar etc.)
- b) manar il post da documentaziun, al cumplettar cuntinuadamain e metter a disposiziun material per persunas interessadas
- c) edir e rediger il fegl d'infurmaziun da l'uniun MGR
- d) porscher pussaivladads da scolaziun supplementara
- e) iniziar, accompagnar ed eventualmain realisar projects
- f) intermediar exposiziuns ed objects d'exposiziun
- g) far lavur da publicitad
- h) coordinar e promover la collavuraziun tranter ils museums e las instituziuns dal Grischun e cun instituziuns sumegliantas ordaifer il chantun

Art. 3 Onn da gestiun

L'onn da gestiun è identic cun l'onn chalendar.

Art. 4 Commembranza

Commembers da l'uniun MGR pon daventar:

- museums, instituziuns sumegliantas a museums, organisaziuns culturalas, vischnancas, regiuns ed autras persunas giuridicas
- persunas natiralas

Ils commembers survegnan il feagl d'infurmaziun da l'uniun MGR e vegnan infurmads regularmain davart las activitads.

Art. 5 Finanzas

Ils meds finanzials sa cumponan da:

- contribuziuns da commembers
- contribuziuns chantunalas
- contribuziuns da fautors
- donaziuns
- contribuziuns da cuminanzas publicas
- contribuziuns d'organisaziuns
- retgavs ord activitads da l'uniun
- entradas da reclama
- tschains

Art. 6 Extrada

L'extrada da l'uniun po succeder mo per la fin da l'onn da gestiun e sto vegnir communitgada cun ina decleraziun en scrit a la suprastanza il pli tard fin ils 30 da november.

Art. 7 Exclusiun

La suprastanza po excluder da l'uniun commembers che cuntrafan als statuts u a las decisiuns dals organs da l'uniun.

Art. 8 Organs

Ils organs da l'uniun èn:

- la radunanza dals commembers
- la suprastanza
- il secretariat
- il post da revisiun
- las cumissiuns da lavur

Art. 9 Radunanza dals commembers

La radunanza dals commembers è l'organ suprem da l'uniun MGR. Ella sa raduna almain ina giada l'onn e quai il pli tard fin la fin da zercladur. La suprastanza u almain

20% dals commembers pon convocar ina radunanza dals commembers extraordinaria. Las tractandas èn da communigar 15 dis avant la radunanza.

Cun las radunanzas dals commembers èn da cumbinar referats, discussiuns, visitas, excursiuns u autras activitads.

Art. 10 Decisiuns ed elecziuns

A la radunanza dals commembers han ils museums mintgamai duas vuschs, tut ils auters commembers han ina vusch. Las cartas da votar correspondentas vegnan repartidas; ina vusch è be valaivla cun la carta da votar.

La radunanza dals commembers prenda sias decisiuns e fa las elecziuns cun la maioritad simpla dals commembers preschents. En cas da paritad da las vuschs decida la vusch dal president, en cas d'elecziuns decida la sort.

Las decisiuns ed elecziuns succedan per regla cun votaziun averta.

Art. 11 Cumpetenzas

A la radunanza dals commembers èn da suttametter:

- il protocol da la davosa radunanza dals commembers
- il rapport annual
- il quint annual ed il rapport dals revisurs
- il preventiv
- mintga 3 onns l'elecziun dal president, dals ulteriurs commembers da la suprastanza e dals revisurs (reelecziuns èn pussaivlas)
- las contribuziuns dals commembers
- propostas
- midadas dals statuts
- dissoluziun da l'uniun MGR

Art. 12 Suprastanza

La suprastanza sa cumpona d'almain tschintg commembers:

- dal president/da la presidenta
- dal vicepresidente/da la vicepresidente
- dal cassier/da la cassiera
- da l'actuar/da l'actuara
- d'ulteriurs commembers

Il manader da fatschenta/la manadra da fatschenta sa participescha a las sedutas da la suprastanza cun vusch consultativa.

La suprastanza sa constituescha sezza.

Tenor pussaivladad sa cumpona la suprastanza da represchentants da las trais linguas chantunals, da differentas regiuns ed ex officio mintgamai d'in represchentant dals trais museums chantunals (Museum d'art Grischun, Museum grischun da la natira, Museum retic).

La durada d'uffizi munta a 3 onns.

Art. 13 Incumbensas e cumpetenzas generalas

La suprastanza sa raduna almain duas giadas l'onn.

Ella ha surtut las suandantas incumbensas e cumpetenzas:

- represchentar ils interess da l'uniun
- decider davart l'adiever dals meds considerond il preventiv
- sa stentar da cuntanscher las finamiras tenor art. 2 dals statuts
- surdar incumbensas
- eleger e survegliar il manader da fatschenta/la manadra da fatschenta
- recepir/excluder commembers

Las cumpetenzas finanzialas e las lavurs cun dretg d'indemnisaziun vegnan fixadas en in reglament da finanzas.

Art. 14 Singulas incumbensas e cumpetenzas da la suprastanza

Il president/la presidenta maina las sedutas da la suprastanza e las radunanzas dals commembers.

Il vicepresident/la vicepresidenta substituescha il president/la presidenta.

Il cassier/la cassiera maina il quint administrativ ed il quint da facultad.

L'actuar/l'actuara scriva tut ils protocols da l'uniun.

Art. 15 Il secretariat

Il secretariat suttastat a la suprastanza da l'uniun MGR e renda quint a quella a chaschun da las sedutas da la suprastanza. Las singulas incumbensas dal manader da fatschenta/da la manadra da fatschenta èn fixadas en in carnet da duairs separà.

Art. 16 Post da revisiun

Il quint da l'uniun vegn concludì mintg'onn per la fin da l'onn. Il post da revisiun che sa cumpona da dus commembers, controllescha il quint. El scriva in rapport per mauns da la radunanza dals commembers.

Art. 17 Disposiziuns finalas

L'uniun MGR po vegnir dissolvida cun ina maioritad da 2/3 da las personas cun dretg da vuschar. En quest cas va la facultad da l'uniun als museums participads tenor la clav da repartiziun da la suprastanza.

Igl exista la pussaivladad da far votaziuns dals commembers.

Ils statuts preschents remplazzan ils statuts dals 17 d'avrigl 1982 ed èn vegnids approvads da la radunanza dals commembers ils 20 da schaner 2001.

il president
Peder Rauch

l'actuara
Marianne Wenger

